



Broj: 01/2-04-1057-2/2026
Breza, 11.05.2026. godine

Na osnovu člana 64. stav (1) tačka (b), člana 70. st. (1), (3) i (6) Zakona o javnim nabavkama („Službeni glasnik BiH“, broj: 39/14, 59/22 i 50/24) i člana 39. Statuta Općine Breza („Službeni glasnik Općine Breza“, broj: 7/21) na Preporuku Komisije za javnu nabavku (broj: 02/1-2-11-1058-10/2026 od 07.05.2026. godine) u postupku javne nabavke usluga: „Održavanje i proširenje postojeće javne rasvjete s ugradnjom materijala, na području općine Breza“, Općinski načelnik, d o n o s i

ODLUKU
o izboru najpovoljnijeg ponuđača
„Održavanje i proširenje postojeće javne rasvjete s ugradnjom materijala, na području općine Breza“

Član 1.

Prihvata se Preporuka Komisije za javne nabavke (broj: 02/1-2-11-1058-10/2026 od 07.05.2026. godine) i Ugovor za javnu nabavku usluga: „**Održavanje i proširenje postojeće javne rasvjete s ugradnjom materijala, na području općine Breza**“ dodjeljuje se izabranom ponuđaču **Obrtnička radnja „TAF-1“ Breza**, za ponudenu cijenu **od 51.180,00 KM bez PDV-a, odnosno 59.880,60 KM sa PDV-om**, u skladu sa ponudom Ponuđača (broj: JR 05/26 od 04.05.2026. godine).

Član 2.

- (1) Prijedlog Ugovora o nabavci dostavit će se na potpis izabranom ponuđaču u roku od 15 (petnaest) dana, računajući od dana kada su svi ponuđači obaviješteni o izboru najpovoljnije ponude.
- (2) Izabrani ponuđač je u svojoj ponudi dostavio ovjerenu kopiju dokumenata iz člana 45. stav (1) tačka od a) do d) Zakona o javnim nabavkama („Službeni glasnik BiH“, broj: 39/14, 59/22 i 50/24), u skladu sa tačkom C) 12. Tenderske dokumentacije, te se oslobađa naknadnog dostavljanja istih.
- (3) U slučaju da izabrani ponuđač ne postupi u skladu sa članom 72. stav (3) Zakona o javnim nabavkama, ova Odluka će se poništiti.

Član 3.

Za izvršenje ove Odluke zadužuje se i ovlašćuje Služba za privredu.

Član 4.

Ova Odluka objavit će se na web-stranici Općine Breza, www.breza.gov.ba, istovremeno s upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Član 5.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Zahtjevom za pokretanje postupka javne nabavke broj: 02/1-2-11-1058/2026 i Odlukom o pokretanju postupka javne nabavke broj: 01/2-04-1057/2026 od 14.04.2026. godine.

Javna nabavka je provedena putem otvorenog postupka javne nabavke.

Procijenjena vrijednost javne nabavke radova: „Održavanje i proširenje postojeće javne rasvjete s ugradnjom materijala, na području općine Breza“, iznosi 51.282,00 KM.

Obavještenje o nabavci broj: 726-1-2-17-3-17/26 objavljeno je na Portalu javnih nabavki dana 15.04.2026. godine i u „Službenom glasniku BiH“ broj: 27/26 od 17.04.2026. godine.

Na osnovu obavještenja na Portalu javnih nabavki, tendersku dokumentaciju sa portala E-nabavke je preuzelo 15 (petnaest) ponuđača.

Izvještaj o preuzimanju tenderske dokumentacije je u prilogu Zapisnika o pregledu i ocjeni ponude.

Komisija za javnu nabavku imenovana je Rješenjem Općinskog načelnika broj: 01/2-04-1057-1/2026 od 29.04.2026. godine

Komisija za javnu nabavku dostavila je dana 07.05.2026. godine, Zapisnik o pregledu i ocjeni ponuda, broj: 02/1-2-11-1058-9/2026 i Preporuku o izboru najpovoljnijeg ponuđača, broj: 02/1-2-11-1058-10/2026 u postupku javne nabavke za „Održavanje i proširenje postojeće javne rasvjete s ugradnjom materijala, na području općine Breza“.

Na javnom otvaranju ponuda nije bilo predstavnika ponuđača.

U postupku po izvještaju o radu utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispijelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 2 (dva)
- da su blagovremeno zaprimljene 2 (dvije) ponude,
- da nije bilo neblagovremeno zaprimljenih ponuda,
- da je ponuda ponuđača: Obrtnička radnja „TAF-1“ Breza prihvatljiva ponuda.
- da je ponuda ponuđača „ENERGOKOM“ d.o.o. Kakanj označena kao nepravilna u predmetnom postupku iz sljedećih razloga:

U Obrascu za cijenu ponude (Aneks 3), za stavku a) SVJETILJKE, redni broj 1, utvrđeno je da ponuđena LED svjetiljka ne ispunjava uslove propisane tenderskom dokumentacijom, na osnovu dostavljene deklaracije o usklađenosti (EC DECLARATION OF CONFORMITY), iz sljedećih razloga:

- Minimalni svjetlosni fluks tražen tenderskom dokumentacijom iznosi 5500 lm, dok prema dostavljenoj deklaraciji za ponuđenu svjetiljku iznosi 5000 lm.
- Minimalna temperatura boje svjetlosti tražena tenderskom dokumentacijom iznosi 6.000 K, dok je prema dostavljenoj deklaraciji za ponuđenu svjetiljku u rasponu od 5.000 do 5.500 K.

- Trajnost LED izvora svjetiljke tražena tenderskom dokumentacijom iznosi 25.000 sati, dok prema dostavljenoj deklaraciji za ponuđenu svjetiljku iznosi 20.000 sati.

U Obrascu za cijenu ponude (Aneks 3), za stavku a) SVJETILJKE, redni broj 2, utvrđeno je, na osnovu dostavljene deklaracije o usklađenosti LED svjetiljke, da ponuđena svjetiljka ne ispunjava uslove iz tenderske dokumentacije iz sljedećih razloga:

- Minimalni svjetlosni fluks propisan tenderskom dokumentacijom iznosi 11000 lm, dok prema dostavljenoj deklaraciji za ponuđenu svjetiljku isti iznosi 10000 lm.
- Minimalna temperatura boje svjetlosti propisana tenderskom dokumentacijom iznosi 6.000 K, dok je prema dostavljenoj deklaraciji za ponuđenu svjetiljku u rasponu od 5.000 do 5.500 K.
- Trajnost LED izvora svjetiljke propisana tenderskom dokumentacijom iznosi 25.000 sati, dok prema dostavljenoj deklaraciji za ponuđenu svjetiljku ista iznosi 20.000 sati.

U Obrascu za cijenu ponude (Aneks 3), za stavku a) SVJETILJKE, redni broj 3, utvrđene su sljedeći nedostaci:

- Nije upisan tip svjetiljke koja se nudi.
- Kao naziv proizvođača: naveden je „ELMARK“, dok je na uzorku dostavljenom uz ponudu naznačen proizvođač „LUMINOS“, što predstavlja neslaganje u dostavljenoj dokumentaciji.

Ponuđač je dostavio sljedeću cijenu ponude:

	Naziv / ime ponuđača	Ponuđena cijena bez PDV-a	PDV (17%)	Ponuđena cijena sa PDV-om
1.	Obrtnička radnja „TAF-1“ Breza	51.180,00	8.700,60	59.880,60

Ugovorni organ je predvidio tenderskom dokumentacijom i u sistemu „E-nabavke“ provođenje e-aukcije.

Nije moguće zakazivanje e-Aukcije zbog prijema jedne prihvatljive ponude (u skladu sa članom 4. stav (2) Pravilnika o uslovima i načinu korištenja e-aukcije „Službeni glasnik BiH“ broj: 80/23).

U postupku ocjene provedenog postupka, Općinski načelnik, nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Izabrani ponuđač je izabran primjenjujući kriterij „najniža cijena“.

Iz navedenih razloga, primjenom člana 64. stava (1) tačka (b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU

Protiv ove Odluke može se izjaviti žalba Ugovornom organu, najkasnije u roku od 10 (deset) dana od dana prijema ove Odluke, u skladu sa članom 99. Zakona o javnim nabavkama („Službeni glasnik BiH“, broj: 39/14, 59/22 i 50/24).

Predlagач: Služba za privredu, Haris Nefić

Obrađivač: Jasmina Došlić

DOSTAVLJENO:

- 1x Svim ponuđačima koji su učestvovali u postupku JN
- 1x Služba za privredu
- 1x Služba za finansije, inspekcijske poslove i opću upravu
- 1x web stranica
- 1x Evidencija
- 1x a/a

OPĆINSKI NAČELNIK

Vedad Jusić